

天一閣藏明代方志選刊續編

崇禎吳縣志五（江蘇）

天一閣藏明代方志選刊續編
一九

上海書店

吳縣志卷之四十七

人物

八〇
清恬

吳賢修品立身潔而恬於仕進人可望而不可攀也

各傳並志其略

陸閔

張翰

陸納

張盾

陸繕

子慧
辯

陸喬

舒雅

鄭夷甫

孫沖

邊智

滕成

曾祖友
父瑛

滕龍

蔣堂

諸質

顧珣

吳琳

朱臣

黃訓

陳盜

子爾見

陸師道

勞珊

殷乾

袁危

伊庭

勞慙

馮笏

兄符

薛道生

父里母羅

劉駘

秦嵩

陳燁

衛勦

毛文煒

繆國維

父天秩

顧國

馬薑

漢

陸閔字子春暢子聰明有令德喜問學選尚寧平公主辭疾不應爲潁川太守致鳳皇甘露之瑞建武中爲尚書令閔姿容如玉喜著越布單衣光武升臺見之歎曰南方固多佳人自是嘗敕會稽郡獻越布焉

謝承漢書

張翰字季鷹吳大鴻臚儼之子也清才美望博學善屬文辭義新麗造次立成而縱任不拘時號爲江東步兵永嘉初會稽賀循赴命入洛經吳閭門於船中彈琴翰初不相識乃就循言譚大相欽悅同載而去不告家人齊王同辟爲

大司馬東曹掾同時執權翰謂同郡顧榮曰天下紛紛禍
難未已吾本山林間人無望於時子善以明智自防榮執
其手愴然曰吾亦與子採南山蕨飲三江水耳翰因見秋
風起乃思吳江菰菜蓴羹鱸膾曰人生貴適志何能羈宦
數千里以要名爵乎遂歸著首丘賦俄同敗人皆稱翰見
幾或謂之曰卿奈何縱適一時獨不爲身後名耶翰曰使
我有身後名不如生時一杯酒人貴其曠達翰性至孝遭

母憂哀毀過禮年五十七而卒傳有文筆數十篇

范成大
人物傳

陸納字祖言玩弟少負清操貞厲絕俗初辟鎮軍大將軍武

陵王掾州舉秀才王述雅敬重之引爲建威長史累遷黃
門侍郎本州別駕尚書吏部出爲吳興太守至郡不受俸
祿徵拜左民尚書領州大中正將應召外白宜裝幾船納
曰私奴裝糧食來無所復須也臨發止有被襪而已餘並
還官遷太常徙吏部尚書加奉車都尉衛將軍謝安嘗欲
請納而納殊無供辦兄子儼密爲之具安旣至納所設唯
茶果儼遂陳盛饌客罷納大怒曰汝不能光益父叔乃復
穢我素業杖之四十其舉措多此類兄子禽犯法應刑乞
免官謝罪詔特許輕降遷尚書僕射轉左僕射加散騎常

侍拜尚書令常侍如故恪勤貞固終始不渝會稽王導子
委任羣小納望闕歎曰好家居織兒欲撞壞之邪除左光
祿大夫開府儀同三司未拜卒卽以爲贈

盧熊蘇
州志

張旂字士宣率弟也以謹厚稱爲無錫令遇劫問劫何須劫
以刀斫其頰旂曰咄咄不易餘無所言於是生資皆盡不
以介懷爲湘東王記室出監富陽令廓然獨處無所庸心
身死家無長物唯書千卷酒米數甕

盧熊蘇
州志

陳

陸縉字士儒侄兄子幼有志尚以雅正知名梁承聖中爲中

書侍郎掌東宮管記魏平江陵繕微服遁還建鄴紹泰元
年除司徒右長史御史中丞以父任所終固辭陳武帝作
輔爲司徒司馬及受命位侍中出爲新安太守文帝嗣位
徵爲中庶子領步兵校尉掌東宮管記繕儀表端麗進退
閑雅趨步躡履文帝使太子諸王咸取則焉後復拜御史
中丞猶以父所終固辭不許乃權換解宇徙居之太建初
歷度支尚書侍中太子詹事尚書右僕射尋遷左僕射參
掌選事別敕令與徐陵等七人參議政事十二年卒年六
十三贈侍中特進金紫光祿大夫謚曰安子太子以繕東

宮舊臣特賜祖與繕子辯慧年數歲詔引入殿內應對進止有父風宣帝因賜名慧辯字敬臣繕兄子見賢亦方雅宣帝爲揚州牧乃以爲治中從事史深被知遇歷給事黃門侍郎長沙鄱陽二王長史等潯陽太守位少府卿太建十年卒贈廷尉卿謚曰平子

南史

唐

陸景倩元方第二子爲扶溝丞按察使畢構覆州縣殿最欲必得實有吏言狀曰某彊清某詐清惟景倩爲真清終監

察御史

范成大人物志

宋

舒雅太宗朝爲國子監丞太平興國二年詔同翰林學士李昉等纂修太平總類以八年書成凡一千卷各太平御覽天禧中以職方員外郎秘書按理知舒州秩滿主管郡之靈仙觀宰相王欽若言其恬於榮利除直史館

盧熊蘇州志

鄭夷甫字

少登嘉祐四年進士有美才除監高郵軍稅

遇一術士善推人死期謂夷甫命不過三十五歲夷甫不堪或勸其讀老莊以自廣有金山僧與人談笑化去夷甫聞之喟然曰既不得壽得若此僧復何憾哉乃從佛者授

楞嚴經義歲除忽有得曰生死之理我知之矣遂釋然放懷後調封州判官預知死日先旬日作書與親友訣及次敘家事至期沐浴更衣詣公舍外小園而溪一亭灑掃焚香畢屹然立化家人奔呼至尸已僵一手猶作指畫之狀士民觀者如堵明日乃斂

崔伯陽志略

孫冲字子和熙寧六年進士少負才名受知於王安石嘗著鄉黨傳說論奇之後知含山縣稱循吏律已甚嚴一毫不妄取秩滿率家人解其歸裝時有老獲畜一牯冲視之曰此非吾來時物也命還之薦章交上改宣德郎未幾卒年

三十五無子

宣城縣志

邊知白字公式裕次子宣和六年進士爲吳縣尉孝友純誠
循蹈規矩清虛寡欲號爲吉人尤深內典紹興中累遷戶
吏二部侍郎直學士院官至吏部尚書同安縣開國侯歸
鄉築室金獅巷卒年六十五贈徽猷閣待制少師知白少
游廬山夢人告曰君本江南僧終當尋盟去

范成大
人物傳

滕成字季度曾祖友人元祐黨籍父珙知道州成沈敏好學
耽研經史丙夜不寐惟不喜習制舉時文嘗居父喪讀孟
子至形色天性之說忽警悟安於退處淳熙十三年以賢

良召試文飄疾午漏不移晷卽就考官怒其輕己以不合
近制擯之後雖再召薦者不絕處之泊如晚居僻處官吳
者知其賢多就見語終不及私葉適奏其學行特授號康

靖居士卒年六十五

盧熊蘇州志

元

徐雷龍字幼成淳祐間名綴解榜授登仕郎穎悟夙成博學
多識嘗從狀元阮登炳習舉子業爲時論所重有許溪三
絕之名謂雷龍之論黃竹野之策劉浩然之賦也元初以
達官薦授武進縣學教諭不赴屏居光福山中以壽終

龍

蘇州

志

本朝

諸質字叔義永樂元年鄉舉授永年教諭改慶元遷國子學

錄進監丞擢翰林編修仍理監職以憂歸遂請老卒質爲

人誠信端直每事審義而行恂恂引退至論事裁決侃然

不撓陳敬宗爲祭酒剛嚴少許可質以事請輒降顏譚講

質居學錄嘗攝監丞事同輩嫉之伺察終無疵可指

浦應祥人

傳物

顧珣字文之景泰庚午辛未聯第試政吏部居邸二年謝絕

倪遺閉戶勤學謂士常多誦不專一家言因親老身病疏
乞侍養歸惟杜戶端居定省外略無人事當道時有所餉
亦堅辭及親歿哀毀過情卒在告十五年年僅四十一珣
清資挺骨氣節高介嘗曰世道之敝在無廉恥廉恥禮義
爲國四維士之大閉也國無此非國士無此非士觀此可

知其梗概

徐有貞
志略

吳琳字廷章成化戊子舉於鄉登壬辰進士授南京刑部主
事歷員外郎郎中自持畏慎舉動不越繩墨書獄辭務在
寬全不作重劾按人尤恥趨競歷十八載始遷貴州右叅

議弘治初以慶賀入都卒琳性善容人有犯不較人有

負之無怨言最著長厚名

楊循吉傳略

朱臣初名堂後避孝廟諱更之字升伯橫塘人少爲縣學

生中弘治壬子鄉試正德甲戌始舉禮部丁丑廷對

賜同進士出身人以爲忝臣獨揚言曰以殿最論人非也

二三子當志在竹帛奚他計比選庶吉士亦不與復歎曰

命也臣早學晚達於義理淵源世事委曲國家纒緯權

宜皆預有得顧不試一官而韜焉類無能者惟尚友古人

若陸龜蒙范成大雖隔異世而橫塘一派正與其遺跡相